

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

26 ապրիլ 2018թ.

ք. Արթիկ

ՀՀ ԱՆ Հարկադիր կատարման ծառայության Շիրակի մարզային բաժնի Արթիկի բաժանմունքի հարկադիր կատարող, արդարադատության ավագ լեյտենանտ՝ Արթուր Հակոբյանս քննության առնելով «26» ապրիլ 2018թ. վերսկսված թիվ 03959821 կատարողական վարույթի նյութերը

Պ Ա Ր Ձ Ե Ց Ի

ՀՀ Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության առաջին ատյանի դատարանի «17» նոյեմբեր 2017թ. տրված թիվ ԵԿԴ/1271/17/17 կատարողական թերթի հիման վրա անհրաժեշտ է պարտապան՝ Լիլիթ Սամվելի Խաչատրյանի հոգուտ «Արդշինբանկ» ՓԲԸ-ի բռնագանձել 287475.60 ՀՀ դրամ, որից ժամկետանց վարկը՝ 217000 ՀՀ դրամ, վճարման ենթակա տոկոսները՝ 57154,20 ՀՀ դրամ (որից ժամկետանց տոկոս՝ 272,80 ՀՀ դրամ, ժամկետանց տոկոսագումարը՝ 24331,40 ՀՀ դրամ, ժամկետանց վարկի տոկոսագումարը՝ 32550) ՀՀ դրամ, տույժը՝ 3967 ՀՀ դրամ:

Վարկի մայր գումարի չմարված մնացորդի՝ 217000 ՀՀ դրամ մնացորդի նկատմամբ հաշվեգրել և բռնագանձել պայմանագրի 6.2 կետով նախատեսված տոկոսներ՝ տարեկան 30 տոկոս տոկոսադրույքով՝ սկսած 26.07.2016թ. մինչև վարկային պարտավորությունների փաստացի կատարման օրը:

Բռնագանձել 25.000 ՀՀ դրամ՝ որպես բանկի կողմից նախապես վճարված արբիտրաժային վճարի գումար:

Գումարների բռնագանձումը տարածել վարկային պարտավորությունների կատարման ապահովման նպատակով 16.08.2012թ. կնքված պայմանագրով գրավադրված և պայմանագրի անբաժանելի մասը կազմող ոսկյա իրերի գրավի ստուգման և հանձման-ընդունման թիվ 01053396 ակտում նշված ոսկյա իրերի վրա::

«Դատական ակտերի հարկադիր կատարման մասին» ՀՀ օրենքի 67 հոդվածի համաձայն՝ պատասխանողից անհրաժեշտ է բռնագանձել նաև՝ 15624 / տասնհինգ հազար վեց հարյուր քսանչորս / ՀՀ դրամ՝ որպես կատարողական գործողությունների կատարման ծախսերի գումար:

Կատարողական թերթի պահանջի կատարման համար անհրաժեշտ է բռնագանձումը տարածել գրավի առարկա հանդիսացող, 16.08.2012թ. կնքված պայմանագրով գրավադրված և պայմանագրի անբաժանելի մասը կազմող ոսկյա իրերի գրավի ստուգման և հանձման-ընդունման թիվ 01053396 ակտում նշված ոսկյա իրերի նկատմամբ:

Կատարողական թերթի պահանջի կատարումն ապահովելու նպատակով՝ Լիլիթ Սամվելի Խաչատրյանի կողմից «Արդշինբանկ» ՓԲԸ-ում գրավադրված՝ 16.08.2012թ. կնքված պայմանագրով գրավադրված և պայմանագրի անբաժանելի մասը կազմող ոսկյա իրերի գրավի ստուգման և հանձման-ընդունման թիվ 01053396 ակտում նշված ոսկյա իրերի նկատմամբ նշանակվել էր ապրանքագիտական փորձաքննություն՝ փորձաքննության արդյունքում տրված եզրակացության հիման վրա վերջիններս հարկադիր էլեկտրոնային աճուրդով իրացնելու նպատակով:

26.04.2018թ. ՀՀ ԱՆ Հարկադիր կատարման ծառայության Շիրակի մարզային բաժնի Արթիկի բաժանմունք է մուտքագրվել նշանակված փորձաքննության արդյունքներով Ա/2 Օնիկ Պետրոսի Ֆրանկյանի գնահատման հաշվետվությունը, ինչի կապակցությամբ անհրաժեշտ է գնահատված ոսկյա զարդերը ներկայացնել հարկադիր էլեկտրոնային աճուրդի:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1 - 35.4 հոդվածների պահանջով՝

Ո Ր Ո Շ Ե Ց Ի

1/ Պարտապան՝ Լիլիթ Սամվելի Խաչատրյանի կողմից «Արդշինբանկ» ՓԲԸ-ում գրավադրված՝ 16.08.2012թ. կնքված պայմանագրով գրավադրված և պայմանագրի անբաժանելի մասը կազմող ոսկյա իրերի գրավի ստուգման և հանձման-ընդունման թիվ 01053396 ակտում նշված ոսկյա իրերը ներկայացնել հարկադիր էլեկտրոնային աճուրդի հետևյալ գներով՝

Հ/Հ	Անվանում	Քանակը	Հարգը /համաձայն ապրանքագիտական փորձաքննության/	Քաշը (գրամ) /համաձայն ապրանքագիտական փորձաքննության/	Գնահատման գինը (ՀՀ դրամ)	Մեկնարկային գինը (ՀՀ դրամ)
1	Ոսկյա շղթա	1 հատ	583	19.5	228150	171112.5

Հարկադիր էլեկտրոնային աճուրդը իրականացնել էլեկտրոնային համակարգի կիրառմամբ՝ Հարկադիր կատարման ծառայության աճուրդի էլեկտրոնային կայքի՝ www.achurd.harkadir.am միջոցով:

Հարկադիր էլեկտրոնային աճուրդի սկիզբը՝ «14» հունիս 2018թ.:

Ծ Ա Ն Ո Թ ՈՒ Թ Յ ՈՒ Ն

Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ 6-րդ մասերի համաձայն երկրորդ և յուրաքանչյուր աճուրդից հետո, լոտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ Հարկադիր կատարման ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը / պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի / լոտի / հանձման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

1/ Որոշման օրինակն ուղարկել կողմերին:

2/ Որոշումը կարող է բողոքարկվել ՀՀ վարչական դատարան կամ վերադատության կարգով՝ այն ստանալու օրվանից 10 օրվա ընթացքում:

3/ «Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ

ԱՐԴԱՐԱԴԱՏՈՒԹՅԱՆ ԱՎԱԳ ԼԵՑՏԵԼԱՆՏ



Ա. ՀԱՎՈՒԹՅԱՆ